

gata, vena subcostalis inermis et modice longa sed non brevis (h. e. in medio aut exigue tantum ante vel pone medium marginis anterioris alae excurrens), hinc vena transversa media paullo intra aut extra apicem venae subcostalis sita aut eidem apposita, vena axillaris contra apicem venae analis non curvata; femora antica maris subtus simplicia, tibiae posteriores interdum incurvatae *).

1. *Squamae magnae aut mediocres; valvulae inaequales; valvula superior inferiorem ad $\frac{1}{2}$ — $\frac{2}{3}$ tegens; vitta frontalis in ♀ sine setis decussatis (exceptis nonnullis individuis) . . . 2.*

— *Squamae minores (sat parvae aut minimae), valvulae inaequales, valvula superior inferiorem ad $\frac{2}{3}$ — $\frac{3}{4}$ — $\frac{5}{6}$ tegens . . . 3.*

2. *Venae cubitalis et discoidalis erga se divergentes, rarius subparallelae, aut vena cubitalis tantum prope apicem suum divergens. [Abdomen in ♂ et plerumque in ♀ dense macrochaetis aut setulis armatum; tibiae posteriores modice longae aut longiusculae; squamae non exacte albae (excp. trib. *Ar. laetae* et *fuscaetae*), sed pallescentes, lutescentes aut luteae etc., et in speciebus parvis mediocres] **Aricia** sensu lat.*

a. Hypopygium parvum b.

— „ elongatum d.

b. Tibiae posteriores retro calcari uno armatae; abdomen immaculatum, saepe tessellatum; forceps superior rectangularis **Aricia** s. str.

— Tibiae posteriores calcari non armatae; forceps superior cordiformis c.

c. Corpus macrochaetis vestitum; tibiae posticae extus in margine antico setis 2 aut pluribus (exclusive 1) et in postico setis 2 aut pluribus praeditae . . **Spilogaster**.

— Corpus setulis exilibus vestitum; abdomen immaculatum; spinula nulla aut indistincta; cellula discoidalis

*) In casibus dubiis sola nonnullorum horum characterum combinatio certam diagnosim dat.

